



**Quæstionum Canonicarum, In Quinque Libros
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,
In quo agitur De Judicio criminali, exponendo primùm actiones in eo
judicio instituendas, & suscipiendas, ...

Schlüter, Georg

Augustæ Vindelicorum, 1709

Pars III. De Suspensione.

[urn:nbn:de:hbz:466:1-73064](#)

456 Tract. in Lib. V. Decretal. Quest. XXXIX.

reservetur, ejus absolutio videtur committiri ei, qui alias potest à peccato, cui annexa est, ut non impeditur absolvere à peccato, à quo alias potest.

2047 Sacerdoti autem simplici non approbato, & solùm absolvere valenti à venialibus, hanc potestatem negant Vasquez, Avila, & Bauny t. 2. D. 3. q. 43. quia absolutio à poena requirit jurisdictionem contentiosam, quâ talis caret. Alii tenent affirmativam, ut Felinus, Armilla, & Toletus; quando sic excommunicatus non habet peccatum mortale; quia sic talis excommunicatus potest absolveri per talem Sacerdotem à veniali, à quo, ut non impeditur, cùm excommunicatione minor reservata non sit, eo ipso etiam poterit eum ab hac censura absolvere, ut possit eum absolvere, à quo alias potest.

2048 Hurtado D. 16. diffic. 2. ait, talem Sacerdotem posse illi dare absolutionem ab excommunicatione minori incursa propter peccatum veniale, esto etiam alia mortalia tunc poenitens habeat, quia potest directè absolvere à peccato, propter quod hæc excommunicatione non reservata incursa est. Felinus autem, & Armilla ibidem tenent affirmativam, esto hæc excommunicatione incursa fuisset ob mortale; quia cùm excommunicatione minor non exigat ad sui incursionem peccatum mortale, non videatur exigere absolventer, potentem absolvere ab eo peccato mortali.

PARS III.

De Suspensione.

2049 **N**on omnem suspensionem esse censuram, sed interdum esse puram poenam Ecclesiasticam in odium delicti præteriti, tradit Tamburinusl. 10. tr. 2. c. 1. De utraque dicendum aliquid; potissimum ramen, in quantum est censura; cùm sit propria hujus loci.

ARTICULUS I.

Quid, & quæduplex sit Suspensione?

2050 **S**uspensione, prout est communis puræ poenæ, & veræ censuræ, definitur poena Ecclesiastica, quâ Clericus privatur usu functionum sui beneficii, officii aut Ordinis; Sic Pellizarius tom. 2. Manual. Regular. tr. 7. c. 3. l. 1. q. 1. Unde censura erit, cùm imponitur in medicinam, nimirum,

ut fidelis relipiscat ab inobedientia; pura vero poena, cùm imponitur in punitionem delicti commissi. Difficultas est, unde cognoscamus, quid, cùm imponitur suspensio, imponatur jam *ut censura*, jam *ut pura poena*? Suarez de suspensione D. 25. sec. 1. n. 3. præscribit hanc regulam: cùm imponitur ad certum tempus, vel ex materia, aut fine legis colligitur, imponi solùm in punitionem delicti commissi, esse tunc puram poenam; quando vero non habet terminum præfixum, vel colligitur imponi, ut recedatur à contumacia, esse censuram, ita etiam habet D. 26. Sect. 1. n. 15.

Hurtado, de suspensi. diffic. 3. & 11. docet, si suspensio feratur, vel addendo: *in perpetuum*, vel *sine spe relaxationis*; vel ad tempus limitatum v. g. *ad biennium*; aut, *dóneç Reus reip/a satiūfaciat*, vel, *quādiū dux judicaverit &c.* independenter ab ipsa pœnitentia delinquentis, semper esse puram poenam, esto feratur ob contumaciam; si vero feratur absque assignatione illa temporis v. g. sic: *nisi hoc fecerit, suspensus*, vel, *si hoc fecerit, suspensus sit* (ubi scilicet attenditur ad pœnitentiam delinquentis) fore censuram. Limitari tam enī vult hanc doctrinam Tamburinus citandus infra n. 2055. ut suspensio sine termino temporis lata, tunc sit censura; cùm aliunde exfine, verbis, vel aliis circumstantiis non intelligitur, eo etiam casu, *tantum in delictu pœnitentem ferri*. Hinc si dicatur: *si suspensus, quia tale delictum commisit*, esto non exprimatur certus terminus temporis, quo duret, videtur esse mera poena, ut colligitur ex ipsis verbis solam delicti commissi punitionem significantibus. Sic Tamb. cit. n. 4. hinc facilè colliges definitionem suspensionis, quæ est censura, & quæ est mera poena.

Ad questionem, quotuplex sit suspensio? R. suspensionem strictè sumptam alteram esse à jure, alteram ab homine, ut diximus de excommunicatione n. 1857. ubi etiam vide reliquas ejus divisiones ipsi communes cum omnī censura. Propria ejus divisio est in totalem (quâ scilicet quis privat, seu suspenditur ab officio, & beneficio) & partiale, quâ quis suspenditur solùm ab officio, vel iolum à beneficio: suspensio autem ab officio subdividitur in alias pro varietate officiorum Ecclesiasticorum.

Si petas 1. an, quando in genere dici, tur:

tut: *sit suspensus*, intelligatur suspensio *totalis*, vel *partialis*? Felinus, & alii dicunt intelligi tantum suspensionem ab officio; sed hoc sine fundamento dici, ait Hurtado cit. diffic. 2. Tunc enim non fertur cum limitatione; ergo est suspensio ab omni eo, à quo esse potest; nisi forte quis limitandum hoc censcat ex generali regula, in penalibus mitiorem esse interpretationem.

2054 Si petas 2. quibus modis ferri possit suspensio? R. duobus, scilicet vel ut censuram, vel ut puram poenam. Quando autem feratur jam hoc, jam illo modo, diximus n. 2050. Not. autem cum fertur ut censura, eam ferri non posse, nisi propter delictum contra præceptum Ecclesiae, esto non solum, (censura enim supponit contumaciam in Ecclesiam) cum autem fertur ut pura poena, eam ferri posse ob peccatum solo jure naturali prohibitum; Sic Hurtado diffic. 3.

2055 Si petas 3. Quid judicandum, quando omnibus expensis dubium adhuc appetat, an suspensio lata sit ut censura, an ut mera poena? R. censendum probabilius *esse censuram*. In lege enim odiosa benignior interpretatio est adhibenda, suspensionem autem *esse censuram*, magis subdito favet, quam eis poenam; mitior enim est poena ad salutem medicinalis, quam vindicta. Not. autem, quod suspensio, quæ est pura poena, non prærequisitat judicialemonitionem; secùs, si sumatur, quæ censura, ut diximus, & habet Tamb. I. 10. tr. 2. de suspensi. c. 1. n. 6.

ARTICULUS II.

Quos effectus habeat Suspensio?

2056 R Esp. Suspensum ab officio absolutè (sine limitatione functionum officii) prohibitum esse ab exercitio omnium functionum Clericalium, atque adeo tam solleñnum Ordinis, quèm Ecclesiasticae jurisdictionis. Officium enim utramque protestatem importat; sic Hurtado cit. diffic. 4. n. 7. suspensum autem ab aliquo officio determinato non tantum esse prohibitum ab exercitio actionum illius officii, sed etiam ab exercitio actionum officii, alterius, quæ includunt actum, à quo suspensio est; non autem si hoc officium tantum supponat actiones illius. Hinc suspensus à Diaconatu non potest celebrare, quia actus celebrandi

Tom. V.

includit actum Diaconatus; econtra suspensus à Diaconatu potest audire confessiones, quia actus audiendi confessiones non includit actum Diaconatus; ita Hurtado cit. §. convenienter, 2. Hinc nec fiet irregularis suspensus à Diaconatu, audiens confessiones, ut notat Pellizarius mox citandus, n. 22. quia non facilis liquid sibi per censuram direcere vetitum. Suspensio autem ab Ordine absolutè, privat omni usu Ordinum, etiam minorum; non item jurisdictionis, aut alterius functionis, quæ fieri potest sine usu Ordinis; Pellizarius in manual. regul. tom. 2. l. 7. c. 3. S. 1. n. 21. Similiter justè suspensus à beneficio, prohibitus est percipere fructus beneficij, & hoc specialiter administrare etiam per Procuratorem; hi enim sunt proprii actus beneficij: Episcopus autem suspensus à Pontificalibus, prohibitus est quemcumque actum Ordinis Episcopalis, ut ordinare, consecrare aras, &c. non vero actus Jurisdictionis Episcopalis, nec actus Ordinum inferiorum Episcopaliū. Sic Hurtado cit. à n. 8. Sed hoc intellige juxta dicendain seqq. quibus positis:

Dubitatur 1. an suspensus ab officio, 2057 vel beneficio, utriusque usum habeat interdictum? R. affirmativam teneri à Layman l. 1. p. 3. tr. 5. c. 1. n. 2. aliis dicentibus, fore tantum ab alterutro, quod ipse suspensus elegerit; Sic Puthesius apud Hurtadum cit. n. 11. Sed P. Bauni t. 8. de suspensi. q. 8. §. primum, ait, neutrius illi usum esse interdictum; non enim ab utroque, ut patet ex ipsa distinctione; non ab alterutro, quod non sit major ratio pro uno, quam pro altero. An autem quis suspendatur ab omnibus? si quis habet plura beneficia, & simpliciter à beneficio suspenditur? nec id colligi potest ex verbis, vel intentione suspendentis, colligendum est ex culpa, & eius natura. Hinc si culparespicit ipsum statum Clericalem, eipso suspenditur ab omnibus; si vero Ecclesiam certam, in qua habet beneficium, non vero alteram, in qua etiam habet beneficium, suspensus censetur à beneficio tantum illius Ecclesiae; ita P. Bauni cit. §. 2. ex Ugolino.

Dubitatur 2. an suspensus à beneficio, 2058 eipso etiam sit suspensus ab officio? R. negativè; ab eo enim duntaxat quis per suspensionem prohibetur, quod verba sententiae propriè significant; beneficium autem non significat officium: ergo; Sic Tom. V. letus

458 Tract. In Lib. V. Decretal. Quæst. XXXIX.

letus l. 2. Summæ c. 43. n. 4. Ad quæstionem autem, an suspensus à beneficio, eo ipso etiam suspensus sit à jurisdictione? affirmat Bauny cit. si annexa sit beneficio, non autem officio. Nam accessorium principis naturam sequitur. Cum ergo jurisdictionis effectus beneficii, ut ponitur (ejus enim intuitu debetur beneficiario) suspensus ab ipso, est etiam ab illa: Negativam tamen tenet Hurtado diffic. 4. n. 9. quia licet actus jurisdictionis sint actus potestatis annexæ beneficio; non tamen est actus ipsius beneficii. Axioma vero illud hic locum non habet, quia ea tantum intelligenda est, quam verba sonant.

2059 Dubitatur 3. quid prohibetur per suspensionem ab ingressu Ecclesiæ? R. prohiberi cuiuscunque ordinis intra illam exercitium solenne, & publicum. Nam is, cui Ecclesiæ interdictus ingressus (cum sibi per consequens censeatur in ipsa divinorum celebratio interdicta) irregularis efficitur, si contra interdictum hujusmodi divinis in ea se ingerat in suo agens officio, sicut prius. Talis quoque si hoc interdicto durante decedat, non debet in Ecclesiæ, vel cœmiterio Ecclesiastico (nisi poenituerit) sepeliri. Sanè sicut excommunicatio, sic ab officio, vel ab ingressu Ecclesiæ lata suspensio, aut ipsius effectus, per appellationem sequentem minimè suspenduntur. Sic Bonifacius VIII. in c. 18, cuius 20. h. t. in 6. Unde talis licet celebrat extra Ecclesiam in ara portatili, etiam in cœmiterio, aut oratorio privato; modo scilicet, in quo celebrat, non sit erectum auctoritate Episcopi, aut oratorium non sit ab Episcopo designatum in perpetuum pro celebracione. Sic Pellizarius in manual. regul. t. 2. l. 7. c. 3. S. 1. n. 25. Similiter suspensus ab ingressu Ecclesiæ sepeliri non potest in Ecclesia, vel in cœmiterio: nisi ante mortem doloris signa dederit in Ordine ad absolutionem receptam, vel recipiendam ex c. 18, cuius. Si autem impoenitens obiit, & tamen in Ecclesia sepeliatur, non polluitur per hoc Ecclesia; quia id nec in dicto Capitulo, nec alibi exprimitur, ita Sayrus l. 4.

2060 Dubitatur 4. an taliter suspensus, aliquam actionem ordinis intra Ecclesiam exercens, eo ipso efficiatur irregularis? R. quod sic; quia id expressè deciditur in cit. c. 18, cuius 20. de sent. excom. in 6. ibi: cum sibi per consequens censeatur in ipsa divinorum celebratio interdicta; non autem si ali-

um actum officii. Nam irregularitas intratur solùm per exercitium ordinis prohibitum per censuram, quod non venit in casu nostro. Ubi etiam nota suspensum ab ingressu Ecclesiæ, potius, & magis propriè esse interdictum, quo etiam verbo utitur cit. c. 18, cuius, quam suspensum. Nam suspensio propriè non privat auditione missarum, sed tantum celebrationem; interdictum verò utroque.

Dubitatur 5. quid intelligatur per suspensionem à Corpore, & Sanguine Christi? Ad hoc respondet Armilla, V. Missa n. 12, volens intelligi receptionem, SS. Eucharistie, esseque excommunicationem minorrem partiale; alii, ut Paludanus, & Majolus apud Bauny loc. cit. dicunt, intelligi excommunicationem majorem: verior sententia docet intelligi suspensionem à sola celebratione Missarum; nam extra hanc raro Sacerdos communicat; consequenter, cum ea suspensio sit poena, ultra verborum proprietatem extendi non debet, atque adeo non de alia communicatione corporis, & sanguinis, quam ordinaria; sic Filluciensis de suspens. n. 104.

Dubitatur 6. quid importet suspensio ab divinis? R. cum quis suspenditur à divinis, prohiberi Clericis, & Religiosis sic suspensi recitate psalmos in choro, iisinteresse, divina officia vel celebrare, vel audire, tanquam Clericis, & ex officio; & contravenientibus impositam esse irregularitatem, docet Pellizarius in manual. regul. tom. 2. l. 7. c. 3. f. 1. n. 20. quamvis id non procedat, sin actus faciant tanquam Laici; sic ille. Suspensio autem ab administratione Ecclesiæ, prohibet usum potestatis disponendi de rebus spiritualibus, siue quanum de administratione spirituali; siue temporali, usum potestatis agendi in iudicio, super juribus, & possessionibus rel., quam quis administrat; nec non respondendi, & disponendi aliter, etiam extra iudicium; Sic Pellizarius cit. n. 27.

Cum vero Episcopo dicitur: suspendo te ab Episcopali ordine, non prohiberis aliquid, quam illi actus, qui Episcoporum sunt proprii, & Sacerdoti jure ordinario competere nequeunt; hi enim sunt actus ordinis Episcopalis, quæ talis; sic Bauny cit. t. 8. q. 8. §. Sextum. Cum vero suspendatur à solis Pontificalibus, directè prohibetur usus insignium, quæ Episcopis ferre est in more; indirectè autem coiplo reliqua

qua opera, quæ sine his ei obire non licet; non autem usus jurisdictionis; ad hunc enim non eget illis insignibus; ita ille loc. cit.

ARTICULUS III.

Quid Suspensio operetur in beneficiis?

2064 **P**rima quæstio est, an suspensus sit causa pax beneficii? *i.e.* quod velit prima sententia, à suspenso beneficium illicitè, & invalidè admitti; sic Lessius l. 2. de Just. c. 24. d. 22. n. 110. Secunda verò, quod electio vel collatio beneficii facta alicui suspenso, illicita sit, & irritanda, non a tempore ipso irreirrita; ita Suarez de censur. D. 26. S. 3. & D. 27. S. 5. n. 25. cum Bauny cit. §. *Septimum.* Ratio est, quia textus juris, quos assert prima sententia, nondicunt *cassam*, sed ut *cassetur*. Deinde, cùm Clementi III. (ut habetur c. *Cum bona*, 8.) propositum esset, an Canonici, propter contumaciam suspensi, ac triennio in eadem perseverantes, privari debeant beneficii prius habitis, ac interim acquisitis? respondit Pontifex: *Quod non licet eis illa, qua habuerunt beneficia, vel que postmodum sunt adepti, aliquatenus retinere.* Unde Batanen. Archi-Episcopo dedimus in mandatis, ait, ut eos pro tanta pertinacia, & contemptu Apostolico, *beneficiis, qua habent, non differant spoliare.* Ubi vides, quod Pontifex eodem modo loquatur de beneficiis ante suspensionem habitis, ac obtentis post; at illa non tenentur sponte dimittere, cùm dicantur *spoliandi per Archi-Episcopum ex mandato Papæ*; ergo nec ista.

2065 Altera quæstio est, an suspensus à beneficio, possit eligere, vel eligi ad novum beneficium? vel tale conferre, aut recipere? Supponendum autem nos loqui de causa, quo ei alias competit talis potestas, idque vel ratione officii, vel ratione beneficii; quo posito *i.e.* talem, qui habet vi officii electionem, vel collationem activam, utrumque licet ac validè facere; sic enim usus ejus potestatis non est impeditus; secus si habeat vi beneficii; sic enim ab ea potestate foret suspensus; cùm ponatur suspensus à beneficio, vi cuius ponitur habere potestatem illorum actuum; & pari modo discurrendum erit de electione, vel receptione passiva, aliud sentire videtur Hurtado, de quo diximus n. 2058. in fin.

Tom. V.

Tertia quæstio est, an suspensus ab 2066 ordine, liberetur ab horis Canonicas? Negativam sequitur P. Bauny loc. cit. esto in choro cantare deberet; quia precum persolutio propriè non est ordinis actio 2. quia Ecclesia non vult, ut quis lucrum referat ex turpi aliquo suo opere, vel crimen, quod tamen fieret, si liber esset ab onere horarum. Si autem sit suspensus à beneficio? *i.e.* beneficiatum, à judice damnatum, ut per annum careat fructibus beneficii, pro eo spatio non teneri ad horas Canonicas; quia sic per ipsum non stat, quo minus percipiat fructus, quorum perceptioni alligatur obligatio horarum; Sanchez, & Henriquez apud Pellizarium in manual. l. 1. t. 5. c. 8. n. 190. quibus addit P. Bauny loc. cit. taliter suspensum removeri à susceptione ordinum; nec posse populo apparet personam DEI, his verbis: *Dominus vobiscum*, quia hic est actus ordinis.

Quæstio est 4. an suspensus ab officio 2067 sit etiam suspensus à beneficio? Prima sententia affirms; ita nonnulli apud P. Bauny §. *decimum*; 1. quia beneficium datur propter officium; 2. quia excommunicatio privat beneficiatum obventionibus diurnis, & annuis; ergo etiam suspensio; 3. quia ideo excommunicatio privat fructibus beneficii, quia privat omnium officiis Ecclesiastici; at idem facit suspensio: ergo. Secunda verò negat; quia officium, & beneficium sunt res distinctæ, & non necessariè connexæ; ergo privatio unius non est alterius 2. quia alias facta divisio suspensionis in suas species non esset legitima 3. quia verba suspendentia ab officio, *beneficium* non exprimunt; ita Fagundez in 5. præcept. decalog. c. 2. n. 36. Suarez t. 5. de cens. D. 26. S. 3. n. 24. cum P. Bauny loc. cit. Et hi ad rationes in contrarium respondent, ad 1. negant universaliter antecedens; officium enim non semper est causa beneficii, sed precum in Choro profundatoribus beneficii. Ad 2. transmittunt antecedens: negant consequentiam; quia fructus non pendent ex re, qua privat ejus suspensio. Ad 3. respondent, quod suspensio ab officio non privet actu recitandi horas, consequenter nec fructibus beneficii, qui dantr titulo horarum. Coeterum cùm beneficium principaliter fundetur in functionibus officii, ubi has exercere prohibetur suspensus, probabilius videtur etiam à

M. m. 2 per-

460 Tract. In Lib. V. Decretal. Quæst. XXXIX.

perceptione fructuum suspensus, saltem pro rata temporis, nisi eas faciat per alium, ut dicemus num. seq.

re perpetuò sunt privati. Illud tamen nota, suspensum à beneficio, per hoc non prohiberi exercere actus suæ jurisdictionis non pendentes à beneficio, sed officio, ut ex dictis constat, & notat Bauny loc. cit. § dixi: Sicutem ea pendeat à beneficio, et etiam suspensus à talijurisdictione; nam accessorum naturam sui principialis sequi solet. De regul. Jur. in 6. regul. 43.

Inter easdem actiones suspensi à beneficiis prohibitas, est *perceptio fructuum*, quod accipe de illis, qui respondent adiui, à quo est suspensus; quia perceptio fructuum ex beneficio est donatio sub conditione talis, vel talis actus; sic P. Bauny cit. §. *nihilominus*; licet nec illos amittant Judicis sententiam, teneat Pellizarius tom. I. manul. regul. t. 5. c. 8. n. 190. excipit tamen beneficiatus, qui sine talibus fructibus non haberet congruam sustentacionem; tunc enim etiam eos, quantum necessere est, retinere potest, sed curse simul, ut à suspensione liberetur; excipit 2. iuxta Pellizarium loc. cit. qui suspensus est, & procurat absolutionem à suspensione, elo pér ipsum non stet, eam dari, vel acquirit; hunc enim vult lucrari fructus perinde, aci absolutus esset: fructus autem illos, quos ejusmodi suspensus non facit suos, censent Turrecremata, & Præpositus (scenit Glosam in Clement. 2. de vita & honestate Clericorum) si sint è quotidianis distributionibus, accrescere aliis præsentibus in divisionis officiis; reliquos verò deberi utilitatibus Ecclesiæ.

Quæstio est 6. an suspensus à jurisdictione possit exercere actus ordinis? R. quod sic, de illis omnibus ordinis actibus, qui jurisdictionem non postulant actualem; Suarez D. 26. S. 4. n. 16. Nam poena non debet extendi plus, quam verba significant; sed suspensi à jurisdictione est poena, & jurisdictione non significat ordinem, qui non includit jurisdictionem; ergo. Hinc etiam sequitur, suspensum ab ordine, posse omnes actus jurisdictionis exercere, qui actualem usum ordinis non requirunt. Et ideo Episcopo suspenso ab ordine, licet est excommunicare, suspendere, &c. Colligitur ex c. *Transmissam*, 15. de electione, ubi dicitur: per confirmationem electionis, non concedi potestatem exercendi ea, que sunt ordinis, sed per consecrationem. Et ratio dicti est, quia illi actus non requirunt actualem usum ordinis; econtra non potest

2068 Difficultas est, an perpetuò suspensus ab officio, etiam sit suspensus à beneficio? affirmant Sayrus, Sanchez, Layman, & alii; negat P. Bauny, §. 11. & cum eo alii; quia perpetuitas non facit, ut officium & beneficium sit eadem res; quia tamen, si in perpetuum prohibetur exercere actus officii, non potest satisfacere obligationibus beneficii, censet Bauny sic suspensum deberre recedere per simplicem cessionem; at Hurtado hic diffic. 4. n. 7. rectè docet, quod satisfacere possit, beneficium per alium administrando, & sic fructus facere suos; quia hoc ei per suspensionem ab officio non est prohibitum.

2069 Quæstio est 5. An suspensio verbo tantum, & non scripto, privet officio & beneficio? ante respons. nota, talem prohibitionem non ferri licet solo verbo, ex c. *Cum medicinalis*, 1. de sent. excom. in 6. nota 2. talem prohibitionem sub pena suspensionis solo verbo factam, non esse propriè suspensionem; non enim potest, ut talis à Prælato volita præsumi, quia tenens præsumeretur velle peccare, quod non licet: not. 3. subditum, contra talem sui Prælati prohibitionem agentem, peccare quidem, non tamen ob id irregulariter fore; quia sic non violat censuram, ut notat Suarez hic, D. 28. S. 2. n. 30. Portel. in dub. regul. V. *Suspensio* n. 2. & P. Bauny l. 8. q. 8. §. dico. I. V. n. 2073.

2070 Sunt autem plures actiones, à quibus abstinere debet suspensus à beneficio: inter eas est. 1. ut docet Layman l. 1. p. 3. c. 1. t. 5. administratio beneficij in temporalibus, ut est locatio fructuum, renovatio contratuum super his &c. hinc alium constitutere debet Oeconomum, qui hæc faciat: ingrens autem se illi administrationi prohibita, beneficio privatus est ipso jure c. *Cipientes*, §. *Cæterum*, de elect. in 6. ubi negligentes electiones factas intra octo dies (postquam commodè poterant) electis præsentare, quoad se à processus prosecutione totaliter excluduntur, ac, ut ait Pontifex, ab omnibus beneficiis suis, que in ipsa Ecclesia, de cuius electione agitur, obtinent, per triennium continuum ex tunc inchoandum, volumus eo ipso fore suspensos, ad quæ, si intra illud tempus se propriâ temeritate, vel alio quæsto colore ingesserint, illis ipso ju-

test talis audire confessiones, celebrare, &c. propter rationem oppositam. Ex eodem fit, quod Prælatus à jurisdictione suspensi licet celebret, vel audiat missam, canat in Choro, &c. hi enim actus non requirunt actualē jurisdictionē; econtra nequit audire confessiones, conferre ordines, &c. quia hi actus requirunt actualē jurisdictionē: Similiter suspensi à sacerdotio non potest licet celebrare, nec extremamunctionem dare, &c. potest autem agere Diaconum, &c. hic enim actus non supponit, nec includit ullum actum Sacerdotis; cum hæc poena plus extendi non debat, quā verba significant.

2073 Quæstio est 7. an suspensi sint vitandi? R. non esse aliter vitandos, nisi, ut non inducantur ad actus sibi prohibitos; atque adeo tunc solum peccari communicando cum suspensis, quando inducuntur ad actus ipsiis per suspensionem interdictos, vel ii ab ipso postulantur, qui ob suspensionem sunt nulli; in utroque enim casu talis communicans eum induceret ad peccatum. Excusat autem quis, ut scilicet licet ab copietat fieri actus per suspensionem prohibitos, quos validè exercere potest, 1. si postulet necessitas; 2. si sponte suā, & ultro se offerat; 3. si non sit suspensi denuntiatus, ut alibi diximus de excommunicato tolerato; ita P. Bauny tr. 8. q. 8. §. dubium, n. 19. Cūm autem suspensio personam, non locum afficiat, ubique abstinentia est suspensi ab actibus per suspensionem vetitis; ubi tamen nota, si suspensio feratur absque scripto, ac tantum orentus, non habere vim suspensionis, nec quā talem obligare, juxta Portell. in dub. regul. V. *Suspensio*, n. 9. & Rodriguezom. 4. addition. c. 143. n. 11. ex quo patet ad n. 2069.

2074 Conveniunt autem in hoc Doctores, quod suspensi exercendo actus, à quibus per suspensionem prohibitus est, mortali peccet (nisi excusat materiae levitas) si atque irregularis, si solenniter exerceat actum ordinis sacri, c. *Cum medicinalis*. 1. de sent. excom. in 6. hoc tamen de irregularitate accipe, quando suspensio est censura. Excusat tamen à culpa, & irregularitate, si exerceat actum etiam ordinis sacri, per suspensionem alioquin prohibitum, non suā sponte, sed ad instantiam fidelium; ita Hurtado hic diffic. 5. secund-

dūm Extravag. *ad evitanda*, in qua ait esse sermonem de quacunque censura.

Questio est 8. an suspensi exercens, 2075

quamvis illicet, actum per suspensionem interdictum, etiam agat invalidē? R. affirmativē, per se loquendo, si suspensio sit non toleratus, & valor actionis pendeat à jurisdictione Ecclesiastica, neque sit actus puri ordinis: secus, si sit toleratus. Ratio primi est, quia per suspensionem impeditur quis ab usu, quantum potest ab Ecclesia impediri, intellige de suspensi non tolerato; si autem illum Ecclesia tolerat in favorem aliorum fidelium, hoc ipso ostendit, quod relinquit illum per se sufficientem ad validē operandum, cum illi postulant, esto per accidens etiam fiat, quod ipse se ingerat. Dixi: *per se loquendo*. Nam per accidens etiam validē agit, cum icilice adest titulus coloratus, & communis error in populo, tunc enim eum defectum supplet Ecclesia. Sic Hurtado cit. n. 14.

ARTICULUS IV.

Ob quam causam ferri possit suspensio?

N Otandum, sermonem esse de suspensione, quæ est poena, vel pura; vel medicinalis, cuius violatio inducit irregularitatem; nam contingit, aliquem interdum suspendi, etiam contra suam culpam, ut si quis contra suam culpam ordinetur, ante debitam ætatem, ut haberet c. *vel non est tempus*, 14. de temporalib. ordinib. ubi dicitur, *puerum tredecim annorum ordinatum in Diaconum, ab his ordinis executione suspendi usque ad ætatem legitimam*. Verum hic non agimus de suspensione simili. Hinc quæres 1. an suspensio possit ferri absque culpa suspensi? 2. propter quam culpam ferri possit? Ad 1. R. 1. quod suspensio personalis, seu particularis non possit immmediatè, ac directè ferri validē in personam particularem, nisi propter personale ejus culpam; quia sic est propria, & personalis poena. Sic Hurtado diffic. 7.

R. 2. si suspensio feratur distributivè 2077 contra singulos directè de una communitate, requiri culpam propriam in singulis; sic enim æquivalet pluribus suspensionibus in particulari; sed hæc ex anteced. num. requirunt culpam propriam in quolibet; ergo & illa; sic Tamburin. I. 10. de censur. t. 2. c. 2. n. 3. Hurtado diffic. 9. n. 25. §.

M m m 3 *Suspensio*

Suspensione vero, contra Sylvestrum, & alios.

2078 *R. 3.* cùm fertur suspensio in totam communitatem, ut communitas est, & unum corpus, suspendendo illam à functionibus illi competentibus, quà unum corpus est, non requiri culpam in singulis, sed sufficere culpam communitatis, quà talis; ita Hurtado, Tamburin, cit. & Suarez D. 2.8. contra nonnullos negantes apud Hurtado; quia sicut est contra rationem, ut quis absque propria culpa *in se*, & secundum se puniatur; ita puniri potest *in alio*, propter culpam commissam *in alio*; sed quando peccat communitas, quà talis, in ea etiam censetur peccare pars, non peccato proprio, sed totius: ergo etiam sic puniri potest sine propria culpa; sic per accidens etiam punitur filius infamia Patris peccantis.

2079 Si dicas, in c. *Romana*, §. de sentent. excom. in 6. prohibitum est *excommunicare totam communitatem*, ibi: *in Universitatem, vel Collegium profiri excommunicationis sententiam penitus prohibemus: volentes animarum periculum vitare, quod exinde sequi posset; cùm nonnunquam contingere innoxiuos hujusmodi sententiæ irreciri: sed in illos duntaxat de Collegio, vel universitate, quos culpabiles esse constiterit, promulgentur.* Ergo etiam suspendere. *R. Neg. consèq.* Nam ex allato textu solùm sequitur, quòd pro statuenda excommunicatione, quà inter censuras est pena omnium gravissima, Innocentius IV. requirat culpam personalem; quòd non rectè extendit ad censuram illà minorem. Coeterum etià etiam intégra communitas suspendi possit ob delictum Communitatis quà talis; at confessiones audiendi facultatem omnibus simul unius Conventus Regularibus Confessoribus adimi ab Episcopo, inconsultâ Sede Apostolicâ, nullatenus posse, expresse definitivit Clemens X. in Constitut. *Superna Magni, §. Porro*, 6. edita anno 1670. 11. Cal. Iuli, solùm publicata in Urbe.

2080 Ad 2. *R. 1.* culpam, ob quam fertur suspensio, ut communiter solet, ex probabiliore sententia debere esse mortalem; ita P. Bauny tr. 8. q. 3. §. 4. *assertio*; Hurtado diff. 7. & apud eundem Vasquez, Suarez, aliquique contra Cajetanum, Avilam & Navarrum, qui putant sufficere veniale. Ratio est, quia suspensio ex objecto suo est grave malum, quod non facile tollitur; sicut excommunicatio minor; *hæc enim*,

ut diximus, tolli potest à quolibet Sacerdote; licet interdum ferri possit, etiam ob culpam tantum veniale, sed suspensio solùm levis aliqua v. g. ab uno tantum actu, ad breve tempus; sic enim non laderetur æquitas, foret enim tunc inter poenam & culpam æqualitas; ita P. Bauny loc. cit. §. 5. *assertio*.

ARTICULUS V.

Quis possit suspendere, aut suspendi?

A D 1. *R.* omnes illos habere potesta*m* tem ordinariam suspendendi, qui ex officio habent potestatem excommunicandi; qui enim potest majus, potest etiam minus contentum sub illo, nisi aliunde limitetur. Suspensio autem, ut pote censura minus gravis, quàm excommunicatio, sub hac continetur. Qui autem possit ex officio ferre excommunicationem, dimum à n. 2030. quibus autem ab habente potestatem ordinariam hæc eadem committitur, in iisdem est potestas delegata secundum mensuram commissionis; de quibus V. dicta à n. 1819. quibus potest. Sequitur 1. quòd Parochus in sua Ecclesia possit Clericis ex justa causa prohibere divina, non tamen ferre suspensionem, cuius violatio (est peccatum sit) inducat irregularitatem; nam talis irregularitas sequitur culpam, non quamlibet, sed violatæ censuræ; at talis suspensio censura non est, cùm Parochus hanc potestatem non habeat, ut constat ex dictis. Hinc nota: si Episcopus in personam exemptam ferat suspensionem, hanc non esse propriè talem, imò irritam (defectu potestatis in talem) ejusque violationem non inducere irregularitatem; excipe casus, in quibus non valet exemptio, Bauny cit. §. Secunda *assertio*.

Sequitur 2. Prælatum Ecclesiasticum ²⁰³⁰ non possit ferre suspensionem, dum excommunicatus; secùs de tolerato sentiunt aliqui, volentes, quòd agat validè, sed non licet. Sic P. Bauny §. *quarta assertio*; 1. quia non caret jurisdictione, ut constat ex supradict. deinde quia usus jurisdictionis non est eis licitus ad communicandum cum fidelibus, nisi ipsi velint; quis autem credit in poena velle fidelem communicare cum Episcopo volente suspendere? Mihi tamen probabilis videretur, quòd nec validè ferat censuram; hæc enim in censurando ^{suppo}

supponit inobedientiam, atque adeo obligationem parendi. Fideles autem non tenentur parere tali, esto toleratus sit, quia non tenentur cum eo communicare, esto possint; Sic Hurtado diffic. 8. n. 21.

2083 Ad 2. q. non Clericum, non posse suspendi; talis enim non est capax effectuum suspensionis; 2. nec eos, qui non sunt baptizati; hi enim non subsunt ulli Superiori Ecclesiastico, uti nec Summus Pontifex, 3. nec mortuos, nisi quoad aliquod jus frumentum, quod illis etiam à morte competit: econtra verò suspendi posse Clericos vivos, Episcopos inferiores, ab eo, qui in eos habet jurisdictionem fori externi; tum enim nihil deest ex parte causarum.

ARTICULUS VI.

Quibus modis impeditatur, aut tollatur Suspension?

2084 Quantum ad primum, idem est, ac querere, quæ cause sint excusantes ab incursum suspensionis, an ignorantia, an metus &c. Sed de his habes resolutionem supr. à n. 1792. & seqq. Quod attinet ad secundum, vel loquimur de suspensione, quæ est censura? & sic tolli debet per absolutionem secundum dicta à n. 1819. & seqq. vel est sermo de illa, quæ est pura poena? tum tollitur vel impletione termini praefixi, vel dispensatione; sic Hurtado diffic. 11. Hinc not. 1. suspensionem propter contumaciam, & per modum censuræ latam à jure, sive generaliter, sive specialiter, nisi reservetur Papæ, auferri posse à suspensi Ordinario, ut diximus de excommunicatione à n. 2032. si verò reservata sit, eo modo, quo diximus n. 2033. Si denique lata sit ab homine, auferri non posse aliter, quam dixerimus de tali excommunicatione à n. 2042. & sequentibus. Quamvis autem regulariter idem, qui suspensionem tulit, ab eadem absolvat, tamen sunt aliqui casus excepti, in quibus non potest.

2085 Primus est, cùm suspensio lata est ab Episcopo in Clericos, vel Regulares, eò quod admiserint hæreticum ad Sacraamenta, vel Ecclesiasticam sepulturam; vel quod ab eis receperint eleemosynas, aut oblationes; hæc enim suspensio reservatur Papæ c. *Excommunicamus 13. §. credentes, de hæreticis; Secundus, cùm quis à proprio Episcopo est degradatus, ut notat P. Bauny hic q. 9. §. tempus secundum. Tertius, cùm*

quis beneficia indignis contulit, ac semel iterumque à Concilio Provinciali admonitus non desistens, suspensus est, c. *grave nimis, 29. de præbendis.*

Præter hæc quæres 1. an suspensio, in star censuræ à jure lata, si reservata non sit, auferri possit, sicut excommunicatio, etiam ab ordinario Confessario, vel proprio Parocho? q. probabiliter affirmari à Pellizario in Manual. tom. 2. tr. 7. c. 3. S. 1. n. 50. de quocunque Confessario ex ratione data n. 2042. Unde quando id restrinxit Hurtado solitum ad suspensionem, quæ censura est, lata à jure, non autem si ab homine, esto tantum lata sit generaliter, exponendum est de foro externo; & censurâ solitum latâ specialiter; nam cùm hoc casu persona sit incognita ei, qui suspensionem generaliter tulit, tribunal ejus per ablacionem censuræ per Ordinem ad forum externum non turbatur.

Quæres 2. à quo auferri possit suspensio, quæ est pura poena? q. non posse auferri, nisi à potestate dispensare in eo jure, quando lata est à jure; & non nisi à Papa, quando lata est ab homine, seu Judice; quod verum est, etiam respectu inferioris Papæ; nam neque hic talem poenam, etiam à se latam auferre potest; non enim auferitur absolutione, sed dispensatione, ad quam non est potestas in inferiore, etiam respectu poenæ à se latæ. Absolutio verò censuræ homini bene disposito, eo ipso debita est, ex natura censuræ; Sic Hurtado. Episcopus tamen potest omnem suspensionem suorum subditorum provenientem ex delicto occulto, nec deductam ad forum contentiosum, quantumvis Papæ reservatam, auferre, ut constat ex Trident. Sess. 24. c. 6. de quo V. n. 2034.

Quæres 3. quam poenam incurrat, qui violat suspensionem? q. 1. si quis suspensus sit ab ordine, & tamen exerceat actus talis ordinis, sive majoris, sive minoris, et si non sit denuntiatus, incurrire irregularitatem, ut patet ex c. 1s, qui, de sent. excom. in 6. & c. 1. de sent. & re judicata in 6. ubi tamen nota, quod textus loquatur de exercitio solenni, ut bene observat Pellizarius in manual. tom. 2. tr. 7. c. 3. f. 1. n. 44. Secundum tamen dicendum est, si exerceat actum jurisdictionis, à qua suspensus est, modò non sit actus ordinis; quia nullibi reperitur talis poena in jure contra ejusmodi exercitium; ita Pellizarius loc. cit. quod

quod intelligi vult universaliter Suarez ibid. n. 47.

2089 Quæres 4. an violans suspensionem, quæ est pura poena, incurrat irregularitatem? Negant aliqui Canonistæ, quia in c. Is, qui, de sent. excom. in 6. hæc regula constituitur: *quod is incurrat irregularitatem, qui divina celebrat, dum est censurâ ligatus*: hoc non sit in præsenti; ergo. Pelizarius autem n. 48. & alii apud eundem affirmant, probantes, quia talis suspensio punitur irregularitate in c. 1. de sent. & re judicata, in 6. Verum in cit. c. Is, qui, hoc non dicitur; sic enim habet: is, qui in Ecclesia sanguinis, aut seminis effusione polluta, vel qui præsentibus majori excommunicatione nodatis, scienter celebrare præsumit: licet in noctemerari agat, irregularitatis tamen (*cum id non sit expressum in jure*) laqueum non incurrit. Nam ex hoc textu solum habetur, irregularitatem propter exercitium alicujus actus non incurri, nisi hoc sit expressum in jure; at in jure non est expressum, indefinitè irregularitatem incurri propter exercitium alicujus actus prohibiti in puram poenam; exemplum autem, quod Pelizarius adducit ex cit. c. 1. non evincit, per violationem suspensionis, quæ est pura poena, irregularitatem indefinitè incurri; sed tantum *in casu particulari*, ibidem expresso, si *judex Ecclesiasticus violet suspensionem inflictam ad unum annum*, si contra conscientiam & iustitiam, in gravamen partis alterius in judicio quicquam fecerit per gratiam, vel fordes.

ARTICULUS. VII.

De nonnullis Suspensionibus in particuliari.

2090 Prima est, cum quis Ordinem suscipit ab Episcopo hæretico, schismatico, vel excommunicato vitando, vel simonia-cojuridicè declarato, c. *Tua* 1. de Schismat. Item, qui ab Episcopo, qui dignitati Episcopali renuntiavit, ordinem sacrum suscipit, manet suspensus ab Ordine sacro. c. *Requisitus*, 1. de Ordinatis ab Episcopo, qui &c. Sic Hurtado diffic. 13. sed nec ista, nec ulla alia suspensi ex delicto incurrit ab ignorantie, cum supponat peccatum. Secunda est, quod Ordinatus ab Episcopo alieno sine licentia proprii maneat suspensus ab Ordine sic recepto ad beneplacitum proprii Episcopi. Episcopus autem ordinans

per annum à collatione Ordinum. Sic Trident. Sess. 23. c. 8. de reform. ibi: *Siquis ab alio promoveri petat, nullatenus id ei, etiam cuiusvis generalis aut specialis rescripti, vel privilegiu pretextu, etiam si statutis temporibus, permittatur: nisi ejus probitas, amores Ordinarii sui testimonio commendentur; si secus fiat, ordinans à collatione Ordinum per annum; & ordinatus, a susceptorum Ordinum executione, quam diu proprio Ordinario videbitur expedire, sit suspensus*. Excep- nisi sic ordinatus fuerit familiaris illius Episcopi ordinantis, & per triennium fuerit cum illo commoratus, ut patet ex Trident. Sess. cit. c. 9. ibi: *Episcopus familiarem suum, non subditum, ordinare non posse, nisi per triennium secum fuerit commoratus, & beneficium quacunque fraude cessante, statim re ipsa illi conferat*, consuetudine qua- cunque etiam immemorabili, in contrarium non obstante. Si autem ille Episcopus alienus alium sine proprii Episcopi licencia ordinans fuerit mere titularis, manet sus- pensus à Pontificalibus per annum; Trident. Sess. 14. c. 2. ibi: *Nemo Episcorum, qui Titulares vocantur, etiam in loco nullius diccesis, etiam exemplo, aut aliquo Monasterio cuiusvis Ordinis refedint, aut moram traxerint, vigore cuiusvis privilegii sibi de promovendo quoque ad se venientes pro tempore concelli, alterius subditum, etiam pretextu familia- ritatis, continua commen- sulari atti sue, absque sui proprii Praelati, expresso consensu, aut litteris dimissoriis ad aliquos sacros, aut mi- nores Ordines, vel primam tonsuram promo- vere, seu ordinare valeat; contra faciens ab exercitio Pontificalium per annum, ta- liter vero promoti ab executione Ordinum sic susceptorum, donec suo Praelato vixit* fuit, ipso jure sint suspensi.

Præter hæc not. 1. eum, qui ante an-²⁰⁹¹ num completum, post vacationem Sedis, impetratis à Capitulo reverendis, ordinem suscipit, manere suspensum ad beneplacitum futuri Episcopi, nisi ad id fuerit ardatus ratione beneficii suscepti, vel suscipien- di; Capitulum vero manet interdilectum. Trident. Sess. 6. c. 5. de Reformat. ibi: Nulli Episcopo licet cuiusvis privilegii pra- textu Pontificalia in alterius dioecesi exer- cere, nisi de Ordinarii loci expressa licen- tia, & in personis eidem Ordinario subiec- tantum; si secus factum fuerit, Episcopus ab exercitio Pontificalium, & sic ordinati

ab executione ordinum sint ipso jure suspen-
si. Ubi tamen nota, ea verba: *nisi de Or-
dinarii expressa licentia, & in personis eidem
Ordinario subjectis tantum*, intelligenda, ni-
si alieni habeant dimissorias generales à su-
is Ordinariis. Tunc enim & hos cum
Ordinarii licentia poterit ordinare; sic
Barboſa ibid. n. 4. dicens, sic esse decisum,
sicut etiam quoad subditos proprios.

currit; unde illud videtur dictum pro foro
tantum externo, ubi præsumitur scientia,
ita Suarez loc. cit. apud Hurtado diffic. 13.
n. 37.

Not. 4. Ordinatum titulo facto, v. g. 2094
facto patrimonio, beneficio, vel pensione,
graviter peccare, non tamen incurere su-
pensionem; quia id nullo jure exprimitur.
Esto enim hoc sit peccatum in c. *Neminem*,
& in c. *Sanctorum*, 70. dist. 70. & tales or-
dinationes eorum, qui sine titulo promo-
ventur, antiqui canones in injuriam Ordin-
nantium irritas voluerint, & inane; hoc
tamen revocatur per c. *Cum secundum* 16.
de præbendis. Hinc Tridentinum Sess. 21.
c. 2. de Reformatione remittens se ad poe-
nam antiquorum Canonum (si quis sine ti-
tulo vero ordinaretur) non respicit illos
Canones, sed alios, ubi agitur *de ordina-
tis simoniace*, scilicet cum pactis supra pos-
itis, quæ Ordinationes saltē aequaliter
sunt sine vero titulo, V. Barboſa in cit. loc.
Trid. n. 67.

Not. 5. Ordinatum ab alieno Episco- 2095
do per literas dimissorias, falsā relatione
obtentas, incurere suspensionem, quam
ordinatus ab alieno Episcopo, sine licentia
proprii, aut sine hujus dimissoriis; sic enim
ordinatur sine veris dimissoriis: cum au-
tem, qui ordinat simoniace, manere su-
pensum à collatione omnium ordinum, à
collatione primæ tonsuræ, à Pontificalibus,
& ingressu Ecclesiæ; Ordinatum vero ab
Ordinibus sic suscepit, absque omni spe
ascendendi ad altiores Ordines; & hæ poe-
na seclusio, & ablato omni privilegio, re-
servantur Papæ; ita Hurtado cit. n. 39.

Not. 6. ordinatum per saltum esse 2096
suspensum ab ordine sic suscepit, in hoc ta-
men posse dispensare Episcopum, si sic
promotus non ministravit; si vero seculis,
incurrere irregularitatem, per violatio-
nem suspensionis, in qua solus Papa po-
test dispensare; sic Hurtado, §. 6. de quo
jam egimus lib. I.

Not. 7. qui post contractum matri- 2097
monium, licet non consummatum, susci-
pit ordines sacros aliter, quam in jure con-
cedatur, manere suspensum ab ordine sic
suscepit, & aliis suscipiendis, & promo-
tione ad beneficia; ita Hurtado cit. n. 40.
excommunicatum autem ob percussionem
Clerici suscipientem ordines, manere su-
pensum à susceptis; & hanc absolvit à so-
lo Papa, nisi sit Religiosus, qui id aliquo
modo

2092 Not. 2. Episcopum, qui in aliena
diocesis absque licentia expressa proprii Ordinarii ordinat, manere absolute suspen-
sum à Pontificalibus, & ordinatum ab ordi-
nante suscepit; Trid. cit. Sess. 6. c. 5. de Re-
form. Volebant tamen aliqui Doctores in
quādā contingentia facti ab hoc videri pro-
babiliter exceptum Episcopum, qui aliquem Religiosum Societatis JESU sacris initiatet
in aliena diocesis, etiam Ordinarii licentia
non requisitā; quia per privilegium Gre-
gorii XIII. quod habetur apud Pellizarium
in Manual. regul. tom. 2. tr. 8. c. 2. n. 168.
Religiosi Societatis de licentia suorum Su-
periorum possunt ordinari à quocunque An-
tistite, seu Episcopo, absque eo, quid ab ipsis
requirat ullam functionem in ipsis ordinib-
us, aut observationem intermissionum ad il-
los suscipiendos, aut inquirant de peritia can-
tus, ceremoniarum, de idoneitate, vel NB.
proprii Ordinarii licentia &c. quod tamen
facere deberent, si alioquin eam suspen-
sionem incurrent. Eum autem, qui
scienter, vel cum affectata ignorantia ante
legitimam ætatem, vel absque dimis-
soriis, vel extra tempora ordinatus est, ma-
nere suspensum ab ordine sic suscepit;
posse tamen absolvit ab Episcopo, ut no-
tat Hurtado n. 36. excipe nisi factum sit
cum simonia, tunc enim reservatur Papæ.
V. n. 2495.

2093 Not. 3. qui aliquem ordinat, vel præ-
sentat ad ordinem, accepta prius promis-
sione ab ordinato, quid non petet ab eo
alimenta, incurere suspensionem per tri-
ennium: ordinantem à collatione, præ-
sentatorem ab executione ordinum, &
ordinatum ab ordine sic suscepit, dum à
Papa dispensetur, c. penult. de Simonia;
in c. autem *Per tuas*, 37. de Simonia: or-
dinatus ad præsentationem cuiusdam, cui
promisit, sive non petiturum alimenta, in-
terdictetur ad Superiores ordines ascendere,
& in susceptis ministrare, etiamsi id igno-
ret, esse illicitum; sed si ignoraverit hanc
poenam, eam in foro conscientiae non in-

Tom. V.

Nnn

modo

466 Tract. in Lib. V. Decretal. Quæst. XXXIX.

modo ignoranter fecit, quem tunc ejus
Prælatus absolvit c. *cum illorum*, 32. de sent.
excom.

2098 Not. 8. Sacerdotem, qui absque Paroqui licentia, cuiusvis privilegii, aut consuetudinis intuitu, sponos benedit, aut matrimonio conjungit, manere suspensum, donec ab Episcopo Paroqui absolvatur; sic Trident. Sess. 24. c. 1. de reformat. matrimon. ita Suarez D. 11. S. 1. qui putat hanc suspensionem, esse tantum ab officio Sacerdotali, sed alii dicunt esse totalem.

2099 Not. 9. Capitula, & Conventus aliquid recipientes, aut petentes ob receptionem alicuius in Religionem, aut etiam post illam, esse suspensos in Extravag. *Sanè*, de Simonia; & quidem ab omni actu, seu officio Capitulari requirente jurisdictionem, & administrationem Ecclesiasticam; sic Pellizarius tom. 2. t. 7. c. 3. n. 88. quod intellige de receptione alicuius in Religionem, completâ, scilicet ad habitum simul & professionem. Ad hoc autem sufficit, quod directè vel indirectè aliquid pertatur sponte pro ingressu Religionis, scilicet per professionem.

2100 Not. 10. Quod Regulares mendicantes, qui ad professionem admittunt, ante expletum probationis annum, incurant suspensionem à recipiendis amplius Religiosis in eodem Ordine, quod verum est, licet per Trident. Sess. 25. c. 15. de Regular. professio tunc nulla sit; quia in eo casu non spectatur valor, sed factum; assertio autem probatur ex c. *non solum*, de regular. in 6. ibi: quod si forte contra hanc nostram prohibitionem, quemquam recipere presumperitis, decernimus eum (qui taliter receptus fuerit) *nullatenus vestro esse Ordini alligatum*, vosque à receptione quorumlibet ad professionem ejusdem Ordinis fore ipso facta suspensos, & in super pena subiecindos, qua fratribus ipsius Ordinis pro culpis infligi gravioribus confuerit. Item absque alia declaratione, suspensionem à divinis latam à Pio V. incurri à Regularibus admittentiibus foeminas intra Monasterium, absque debitâ licentia, ut notat Pellizarius loc. cit. n. 115.

2101 Not. 11. à Regularibus exercentibus actum Sodomiticum incurri suspensionem ab officio, beneficio & dignitate Ecclesiastica, immo etiam à privilegio Clericali, seu Canonis; intellige. 1. Si actus Sodomiti-

cus sit consummatus, & publicus jure, vel facto. 2. Si hoc frequenter faciant, id enim sonat exercere. 3. Non nisi post sententiam Judicis: & verosimilius concedi, Clericum nullum habentem beneficium, si committat crimen, pro quo lata sit ipso jure absoluta suspensio à beneficio, impedit, ne acquirere possit beneficium, ut tener Pellizarius in manual. regul. rom. 2. tr. 7. c. 3. S. 1. n. 33. qui enim prohibitus est ab actu, etiam prohibitus est, ut ei conferatur principium talis actus, ut colligitur ex c. fin. de Clerico excommun. ministr. quod sic accipe, ut non acquirat, nisi *irridolite*.

Not. 12. Cùm in jure fertur suspensio ad unum mensem, non exprimendo determinatum, probabiliter sumi posse mensem pro 28. diebus; Februarius enim plures non habet, qui tamen est verè ac proprie mensis; quod maximè valet hic, quia sumus in materia penalí, immo id verum est, qui suspensus esset per Februarium, esto co anno haberet 29. dies; hoc tamen dici non potest, si quis suspensus esset per quator annos, tunc enim Februarius saltem semel sumi debet pro 29. diebus. Ita Pellizarius loc. cit. n. 4. Tempus autem suspensionis non interrumptur ejus violatione. Ejus enim effectus non est realis privatio actionum, sed obligatio ad abstinentiam ab illo; haec autem manet etiam stante violatione talis obligationis; ergo.

Not. 13. Regulares absolvit posse à 210 suspensionibus per proprios Prælatos locales, & Confessarios Ordinis, ex privilegio bullato Pauli III. concessio Regularibus Societatis JESU, quod extendit Layman etiam ad suspensionem, qua est pura pena: item ex concessione bullara Pii V. facta Dominicanis, & relata à Rodriguez in Bullar. Bulla 13. Prælatos Regulares respectu suorum subditorum habere omnem illam autoritatem absolvendi & dispensandi in foro conscientiae, quam habent Episcopi erga suos subditos. Ubi adveritur Layman, privilegium in Tridentino Sess. 24. c. 6. de reformat. concessum Episcopis ad absolvendum ab omnibus irregularitatibus, ac suspensionibus, ex delicto occulto provenientibus, extendi ad quacunque suspensionem etiam Papæ reservatam, sive lata sit ut censura, sive ut poena, sive ad tempus, sive in perpetuum; ex hoc autem inferitur ergo idem poterunt etiam respectu suorum Prælati regulares.

PARS